



Broj: 12-11-15-766-1/21
Sarajevo, 22. 3. 2021. godine

Na osnovu člana 72. stav (3) Zakona o javnim nabavkama („Službeni glasnik BiH“, broj 39/14), nakon provedenog postupka javne nabavke kancelarijskog materijala za potrebe Ureda za reviziju institucija u Federaciji Bosne i Hercegovine putem konkurentskog zahtjeva za dostavu ponuda i preporuke Komisije za nabavku kancelarijskog materijala broj: 12-11-15-766/21 od 18. 3. 2021. godine, generalni revizor donosi

ODLUKU

o dodjeli ugovora drugorangiranom ponuđaču za nabavku kancelarijskog materijala putem konkurentskog zahtjeva za dostavu ponuda

I

Poništava se Odluka o izboru najpovoljnijeg ponuđača za nabavku kancelarijskog materijala putem konkurentskog zahtjeva za dostavu ponude broj: 12-11-15-638/21 od 4. 3. 2021. godine, u dijelu lota 3 – nabavka higijenskog materijala, kojom je kao najpovoljnija ponuda izabrana ponuda ponuđača Plan Plus d.o.o. Zenica, za lot 3 – higijenski materijal, čija cijena, nakon e-aukcije, iznosi 1.400,00 KM bez PDV-a.

II

Prihvata se preporuka Komisije za javnu nabavku broj: 12-11-15-766/21 od 18. 3. 2021. godine i ugovor o javnoj nabavci za kancelarijski materijal, lot 3 – higijenski materijal, dodjeljuje se drugorangiranom ponuđaču R&S d.o.o., čija ukupna cijena, nakon e-aukcije, iznosi 2.122,41 KM bez PDV-a.

III

Drugorangirani ponuđač, R&S d.o.o., Ul. Igmanska b.b. Vogošća., dužan je u roku od 5 (pet) dana od zaprimanja ove Odluke na adresu Ureda za reviziju institucija u Federaciji Bosne i Hercegovine, Ložionička br. 3, 71000 Sarajevo, dostaviti popunjen i ovjeren Obrazac za cijenu ponude (Aneks I) sa umanjenom cijenom postignutom nakon e-aukcije iz tačke 8. tenderske dokumentacije.

IV

Ova Odluka stupa na snagu danom potpisivanja.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) pokrenuo je, u skladu s odredbama Zakona o javnim nabavkama („Službeni glasnik BiH“ broj 39/14) i Odlukom broj: 12-11-15-90/21 od 12. 1. 2021. godine, postupak nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku kancelarijskog materijala.

Obavještenje o nabavci broj: 296-7-1-5-3-6/21 objavljeno na Portalu javnih nabavki 27. 1. 2021. godine.

Komisija za izbor najpovoljnijeg ponuđača za nabavku kancelarijskog materijala za potrebe Ureda za reviziju institucija u Federaciji Bosne i Hercegovine, imenovana Rješenjem generalnog revizora broj: 12-11-15-90-1/21 od 20. 1. 2021. godine, prije zakazivanja e-aukcije izvršila je rangiranje prihvatljivih ponuda ponuđača, prema kriteriju najniža cijena tehnički zadovoljavajuće ponude, na sljedeći način:

- R&S d.o.o. Sarajevo,
- Plan Plus d.o.o. Zenica.

Nakon uspješno završene e-aukcije, Komisija je izvršila rangiranje prihvatljivih ponuda, prema kriteriju najniža cijena tehnički zadovoljavajuće ponude, na sljedeći način:

- Plan Plus d.o.o. Zenica,
- R&S d.o.o. Sarajevo.

Na preporuku Komisije iz Zapisnika o pregledu i ocjeni ponuda broj: 12-11-15-90-14/21 od 25. 2. 2021. godine donesena je Odluka o izboru najpovoljnijeg ponuđača za nabavku kancelarijskog materijala putem konkurentskog zahtjeva za dostavu ponuda broj: 12-11-15-638/21 od 4. 3. 2021. godine (u daljem tekstu: Odluka o izboru), kojom je za najpovoljnijeg ponuđača za lot 3 izabrana ponuda ponuđača Plan Plus d.o.o. Zenica, čija cijena iznosi 1.400,00 KM bez PDV-a, jer je u konkurentskom zahtjevu za dostavu ponuda, nakon uspješno okončane e-aukcije, ponudio najnižu cijenu tehnički zadovoljavajuće ponude, u skladu sa članom 64. stav (1) tačka b) Zakona o javnim nabavkama.

Shodno Obavještenju ponuđačima o rezultatima postupka i o izboru najpovoljnijeg ponuđača broj: 12-11-15-403-1/21 od 4. 3. 2021. godine, ponuđač Plan Plus d.o.o. Zenica bio je dužan u roku od 5 (pet) dana od zaprimanja Obavještenja i Odluke o izboru dostaviti popunjen i ovjeren obrazac za cijenu ponude (Aneks I) sa umanjenom cijenom nakon provedene e-aukcije iz tačke 8. tenderske dokumentacije i originale ili ovjerene kopije dokaza traženih tačkom 6.2. tenderske dokumentacije, ne starije od tri mjeseca od dana predaje ponude, u skladu sa dostavljenom izjavom ponuđača, s tim da datum izdavanja dokumenata ne smije biti nakon datuma podnošenja ponude.

Uvidom u djelovodnik predmeta i akata Ureda za reviziju institucija u Federaciji Bosne i Hercegovine utvrđeno je da 4. 3. 2021. godine ponuđaču Plan Plus d.o.o. Zenica otpremljeno Obavještenje ponuđačima o rezultatima postupka i o izboru najpovoljnijeg ponuđača broj 12-11-15-403-1/21 i Odluka o izboru, a uvidom u dostavnicu utvrđeno je da je dostavljanje navedenih dokumenata najpovoljnijem ponuđaču Plan Plus d.o.o. Zenica izvršeno putem pošte 8. 3. 2021. godine.

Kako izabrani ponuđač u ostavljenom roku, po prijemu Obavještenja i Odluke o izboru najpovoljnijeg ponuđača, nije dostavio traženu dokumentaciju, a što je bio dužan dostaviti do 15. 3. 2021. godine, te, prema odredbi člana 72. stav (3) tačka a) Zakona o javnim nabavkama, zbog njegovog propuštanja da dostavi originale ili ovjerene kopije tražene dokumentacije, Ugovorni organ ugovor dodjeljuje drugorangiranom ponuđaču.

Imajući u vidu sve navedeno, prihvaćena je preporuka Komisije za javnu nabavku broj: 12-11-15-766/21 od 18. 3. 2021. godine, te je odlučeno kao u dispozitivu ove Odluke.

Dostaviti:

- Ponuđačima:
R&S d.o.o. Sarajevo,
Plan Plus d.o.o. Zenica,
- a/a.

